

# Мемлекеттік тіл және қоғам

Аудандық кітапханада «Мемлекеттік тіл және қоғам» атты семинар өтті. Атауы айтып тұрғандай басқосуда мемлекеттік тілдің қолданылу аясын кеңейту мен осы бағытта атқарылып жатқан жұмыстар, алда тұрған міндеттер ортаға салынып, мамандардың ой-пікірлері тыңдалды.

Ұстаздар, аудармашылар, іс-жүргізуші мамандар шақырылған семинарга аудан әкімінің әлеуметтік мәселелер жөніндегі орынбасары Р.Негманова мен мәдениет және тілдерді дамыту, дene шынықтыру және спорт бөлімінің басшысы Гұлсара Балакина қатысты.

Семинар «Тіл - ұлттың басты негізі» атты слайдпен басталды. Келесі кезекте семинарга қатысушылар «Ұлттың қуаты тілінде» атты кітап көрмесін тамашалады. Бұдан соң Р.Негманова семинарды ашып, оның жұмысына сәттілік тіледі. Және де Елбасының «Нұрлы жол – болашаққа бастар жол» атты Жолдауын насиҳаттау бойынша ақымды жұмыстар жүргізіліп жатқанын атап өтті.

Тәуелсіздік алған кешегі жылдар мен бүгінгі кезеңді салыстырсақ,

ауқымды жұмыстарды жүзеге асырдық. Тыңдырылған іс толайым мол. Мемлекеттік тілдің қолданылу аясы жылдан жылға жақсарып келеді. Тіпті дамуда деп айтуға болады. Қазақ мектептері мен қазақ сыныптары ашылды. Ең бастысы осындай келелі жұмыстардың нәтижесінде қазақ тілін жетік білетін бір буын өсіп жетілді. Олардың алды қызмет істеуде. Әрине, бұл жұмыс тоқтамайды. Дами береді. Жалғаса береді. Сондықтан таяу келешекті мемлекеттік тіл үшін жарқын жылдар деп айтуымызға толық негіз бар. Осыған қатысты деректерді бөлімінің тіл инспекторы Аяпберген Оспанов толығымен семинарда баяндады. Мемлекеттік тіл саясаты бойынша ағымдағы жылда атқарылған жұмыстарды толығымен таныстырып шықты.

Семинарда мемлекеттік тілдің

қоғамдағы орны жөнінде аудандық Маралды газетінің тілшісі Қадыс Қазына баяндады. №2 Шарбақты негізгі мектебінің қазақ тілі мен әдебиет пәннің мұғалімі Дирад Айдарханова «Тілді қоғытудың жаңа бағдарламасы» бойынша өз тәжірибесін ортаға салды. Бұл бағдарлама орыс сыныптарында оқытын оқушыларға қазақ тілін үреруғе арналған. Алексеевка орта мектебінің қазақ тілі мен әдебиет пәннің мұғалімі Гүлмира Құсбекова «Тіл мәселесі – басты назарда» тақырыбында баяндамасын оқып, тиң ойларын ортаға салды.

Баяндамаларды тыңдаған соң аудандық әділет басқармасының бас маманы Ерғанат Қайкен өзекті мәселелерді қозғап, өз ойын ортаға салды. Семинар барысында бөлім

маманы Ү.Жармакина көрнекілік ақпараттарда кездесіп жатқан қателерге тоқталды. Әсіресе, мұндағы кемшіліктер ауылдық округтердегі көрнекілік ақпараттарда жиі-жіі кездесетінін айтты. Жергілікті жердегі тіл мамандары мен ұстаздарға осы жағдайларға назар аударып, қателерді түзету жөнінде ұсыныстар жасады.

Семинар жұмысын



қорытындылаған Г.Балакина атқарылған жұмыс ауқымды болғанымен, алда тұрған міндеттердің де көп екенін айтты. Сондықтан тілдің қолданылу аясын кеңейту мен орын алған олқылықтарды жою бағытындағы жұмыстар жалғаса беретінін дәпас өтті.

Гүлнар ТИПАНОВА,  
аудандық  
кітапхананың әдіскери